



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Parallela Geographica Italiae Veteris Et Novae

Briet, Philippe

Parisiis, 1649

Nvm. 3. Qualitas Hetruriæ.

urn:nbn:de:hbz:466:1-13120

vox est corrupta *Carfignana*. Aliæ voces nihil habent difficultatis.

N V M. 2. *Quantitas Hetrurie.*

NON facilè potest statui, quia huic ditioni multæ infertæ sunt, si tamen omnes eius ditiones coniunctæ essent, *Longitudo* protenderetur à Fl. Macrà paulò supra Sarzanam ubi habet Magnus Dux aliquot loca etiam ultra hunc fluuium, vsque ad vicum Montem Frigidum *Monte Fredo*, ad territorium Vrbeuetanum *d'Oruico*, quod spatium ad mensuram Geographicam reuocatum dat 2. Gradus maioris circuli cum 10. minutis, ideóque 130. millia passuum, leucas Francicas 65. Germanicas 32. cum $\frac{1}{2}$. *Latitudo* verò desumpta à Monte Argentaro, & Promontorio in mare Tuscum excurrente ad Ciuitatem Solis in Romaniolâ reddit 2. gradus cum minutis octo: igitur 128. mil. pass. 64. leucas nostrates, Germanicas 32.

N V M. 3. *Qualitas Hetrurie.*

DITIO MAGNI DVVIS fertilissima est olei, frumenti, vini, leguminum: laudantur in agro Florentino casei Martiolini dicti, qui Martio mense conficiuntur. Celebrantur quoque totâ Italiâ Aretini exquisitissimi saporis. Certè Siennensis ager aleret vniuersam Tusciam si coleretur; sed operis deficientibus iam squallet. Aër vbique purus nisi in maritimâ parte Siennensis agri, ubi exteri vix durare queunt. Salutaribus aquis passim scatet. Hic quoque plurimum serici conficitur, maximè ad Radicosanum ob crebras Moros. Denique in agris huius ditionis nascitur argentum, ferrum, æs, atramentum sutorium, alumen, lapides alabastrites, & porphyreticus, atque omnis generis marmora.

DITIO LVCENSIS frumenti non satis est ferax, quare indiget importato; abundat tamen vino, oleo, castaneis, quæ feliciter crescunt in montibus quibus totus ille ager distinctus est. Hic etiam linum tenuissimum colligitur, sed non magnâ copiâ. Vniuersa regio accedente incolarum industriâ amœnissima est, & vilis vbique pulcherrimis distincta, siquidem Lucæ nemo paulò ditior qui non habeat æstiuum secessum.

GRAFINIANA reliqua multis in partibus feracissima est, maximè in valle Macrensi, ditione Mutinensi, & Lunegianâ. Marmora Carrarenfia quis ignorat? candida in primis, & ad fingendas

statuas exquisitissima. Vno verbo toto in hoc tractu vina generosissima, oleum exquisitissimum, vt taceam de metallicis ferri, & æris ditissimis, ad quæ purganda non defunt ligna in dorso, & radicibus Apennini.

NVM. 4. *De Moribus incolarum huius ditionis.*

FLORENTINI callidissimi sunt, & mercimoniis dediti, in quæ feruntur auidè, etiam nobiles. Diuites sunt in primis ex pannis & serico. Operæ nihil parcunt vt damnum euitent. In præliis optimi & sagaces habentur exploratores: de victoriâ tantum cogitant, de prædâ nihil, quæ virtus eis plerumque saluti fuit. Parci naturâ sunt, & tenaces. Ægrè admodum condonant iniurias, & zelotypiâ laborare dicuntur. Delicatè loquuntur in primis, & dialectus Florentina cæteris Italicis antepositur.

PISANI ad arma olim nati credebantur, omnes fortes, & vitæ prodigi, quæ magnanimitas etiamnum in iis elucet dum incumbunt in rem militarem. Quàm magnam & potentem olim habuere Rempublicam: quæ discordiis potiùs, quàm imbecillitate defecit. Iam eorum plerique literis vacant, & erudito perfruuntur otio, ex quo libertatem amiserunt.

SENESENS minùs attentisunt ad rem suam, quàm reliqui Tusci, in victu splendidi, philoxeni, liberales. Nulla gens pro libertate acriùs pugnavit, cuius virtutis venerunt quoque in partem fœminæ. Aliquot annos iugum tulere impatientiùs, sed illud molliuit liberalitate suâ Magnus Dux, dum eis sæpe in annonæ caritate subuenit.

LVCENSES creduntur esse optimæ indolis, ingeniosi, solertes philoxeni, prudentes & libertatis suæ peramantes. Quamquam enim vicinum habeant Principem & cautum & potentem, & qui eis insidiatur (quia Luca olim Pisaniis vt aiunt subdita erat) ita tamen se gessere, vt eos ille non posset inuadere sine manifestâ iniuriâ. Vulgus hic nobiles impensiùs colit. Linguâ vtuntur iam minùs delicatâ. Parci sunt in rebus priuatis, magnifici in publicis.

NVM. 5. *De Principibus Mediceis.*

ANNO Christi 1530. Florentiâ deditâ Carolo V. post diuturnam obsidionem, sicut Imperator cum Pontifice conuenerat Ale-